



Uključenost zajednica u smanjenu rodnih stereotipa i prevenciji nasilja nad ženama i djevojčicama

Izeta Omerdić iz JU Mješovita srednja tehnička škola Travnik:

Zdrava mladost u lokalnoj zajednici je naš zajednički cilj

U okviru UNW projekta „Uključenost zajednica u smanjenje rodni stereotipa i eliminaciju nasilja nad ženama i djevojčicama, koji finansijski podržava Švedska agencija za međunarodni razvoj i saradnju, održana je zoom radionica participativnog programa razvoja modela Zajednice koje brinu u Travniku i Novi Travnik a na kojoj su učešće uzeli predstavnici i predstavnice javnih i obrazovnih institucija i nevladinog sektora.

Kako navodi lider programske oblasti Asocijacije XY **Feđa Mehmedović**, participativni program razvoja modela Zajednice koje brinu, a koji je realiziran jučer i danas, potvrdio je naša uvjerenja da smo na pragu integracije sveobuhvatnog i inovativnog pristupa prevenciji nasilja u različite sektore koji mogu biti ili već jesu aktivni sudionici u prevenciji.

„Ponosni smo što u Lokalnoj akcionoj grupi imamo članove kod kojih je evidentna posvećenost i briga o zajednici, no ono što nas posebno raduje i motivira da nastavimo dalje jeste stepen ekspertize koju članovi Lokalne akcione grupe imaju i bezuslovno integiraju u program koji razvijamo za građane i građanke ovog kantona. Članstvo lokalne akcione grupe je povećano sa predstavnicima MUPa, a čije osoblje je posljednja dva dana vrijedno radilo i u značajnoj mjeri doprinijelo razvoju prioriteta i aktivnosti koje ćemo predstaviti javnostima. Ono u šta sam siguran jeste da sa ovim profilom eksperata udruženih u Lokalnu akcionu grupu, uskoro ćemo biti u prilici da predstavimo jedinstven program prevencije koji nije moguće pronaći niti u jednom drugom gradu u Federaciji BiH, „ kazao je Mehmedović.

Izeta Omerdić iz JU Mješovita srednja tehnička škola Travnik stava je da ova škola već ima razvijenu strategiju u sprječavanju vršnjačkog nasilja u koju su uključeni školski menadžment, vijeće roditelja, vijeće učenika i mediji.

“Šira zajednica predstavlja faktor koji može da prepozna kvalitet strategija koje se implementiraju I koliki efekat imaju u stvarnom životu. Zdrava mladost naše lokalne zajednice je cilj svih naših strategija. Škola izvrsnosti je model u preveniranju nasilja koji razvijamo u partnerstvu sa Asocijacijom XY. Sigurnost naše djece je u fokusu škole ali lokalne zajednice tako da ćemo udruženim snagama raditi na stvaranju okruženja koje će pozitivno I motivirajuće uticati na sve nas”, kazala je Omerdić.

Na osnovu ranijih iskustava u implementaciji programa prevencije nasilja možemo očekivati rezultate u preventivnom sprječavanju nasilja među vršnjacima. Jačanje kapaciteta institucija, nevladinih organizacija I škola da primjenjuju dokazane metode prevencije nasilja



Uključenost zajednica u smanjenu rodnih stereotipa i prevenciji nasilja nad ženama i djevojčicama

sa fokusom na etiketiranje dovesti će do značajnog smanjenja vršnjačkog nasilja, kazao je **Ervin Turić** iz NVO Nova Vizija Travnik.

Alma Lisica, pravnica iz JU Centar za socijalni rad Travnik smatra prevenciju nasilja vrlo važnom temom u čijem fokusu treba da bude porodica kao osnovna ćelija društva.

“Porodica je jako važan stub društva. Stub koji je često od strane našeg i obrazovnog i zdravstvenog sistema dosta zanemaren. U okviru svojih poslovnih obaveza i u razgovoru sa roditeljima imam priliku da evidentiram da dosta njih nije svjesno obaveza koje proizlaze iz njihovog roditeljstva. U tom smislu potrebno je konstantno raditi sa stručnim licima i osobama koje ćemo senzibilizirati za rad sa ovom populacijom. Prevencija zahtjeva konstantan rad. Promjena individualne svijesti je vrlo značajna u ovom kontekstu, a da bismo to postigli svako problem moramo pristupiti konkretno i sistemski; zaključuje Lisica.
